

Wem gebüret diese Tugend? Gehet sie allein die
junge Leut an?

Nein/ Sondern sie gehet alle drey Ständ an/ ledige Leut/ Eheleut/
vnd Witwer.

Junge Gesellen vnd Jungfräwen sollen sich hüten für der Lustseuch/
wie Paulus sagt: Alle ire Glieder zur Keuschheit gewehnen/jhr Faß in Cœlibes.
heiligung vnd in ehren bewahren/ihrer zeit erwarten/ vnd sich ja hüten/
daß sie nicht einmal ein böß Gewissen in Ehestand bringen / Cogitent
exempla Mariæ, Rebeccæ, Iosephi.

I.
1. Thess 4.

Exempla.

Ehestand ist auch ein Heiliger Keuscher Stand/ wie Paphnutius
in Concilio Niceno recht saget / da man den Priestern die Ehe verbie- Coniuges,
ten wolt / Drumb sollen Eheleut so wol als junge Leut darinn Keusch
vnd Züchtig leben/ in ihrem Sprengel bleiben/ nicht aus dem Geschirr
treten/ an ihrem Ehegatten sich genügen lassen/ sollen auch nicht allein Disciplina
für ihre Person nach Gottes Ordnung ein Heiliges/ Züchtiges Leben
führen/ vnd allen bösen/ ärgerlichen scheimeden / Sondern auch ihr
Kinder vnd Gesind in achtung haben/ daß ja nirgend wieder Zucht vnd
Erbarkeit gehandelt werde/ ihren Kindern vnd Gesind nicht gestatten/
alle Länk/ Gelack vnd unzüchtige Winckel aufzulauffen/ noch viel we-
niger in ihren eigen Häusern gestatten/ daß da allerley Hudelmans Ge-
sind/ vnd verdächtige Personen ihren aufftritt haben/ denn darinn ver-
sündigen sich manche Eltern/ die ihren Töchterchen vnd Gesinde allen
muthwillen zulassen / ja wol selbst zu allerley vrath vrsach geben/
legen Fewer vnd Stroh/ Knecht vnd Magd in eine Kammer/ oder sonst
nahe zusammen/ lassen die Tumpferchen mit verwegenen Buben sitzen
vnd löfflen/ mit einander in Keller vnd anders wohn spaciren/vnd der-
gleichen/ da gibt es denn darnach allerley schöne Frucht / daß es zu
Macht selzam Gespückniß im Haß gibt/ da die Magd ein Schleher/
dort das Töchterchen ein frembden Gürtel/ vnd die Eltern das Herk-
leid bekommen/ vnd geschicht jhnen eben recht/ sie habens so wollen ha-
ben / vnd wenn man recht wolte handeln / sollte man oft die Eltern
vmb ihrer bösen Haßzucht willen härter straffen / als die verzogene
Kinder selbst.

Zum dritten/ sollen sich auch Mann vnd Frau in Wittibstand
dieser Tugend befleissigen/ denn da pflegt sonderlich auch grosser man- Vidua,
gel fürzulauffen / daß manche Wittib mit unzüchtigen schandbaren
Worten vnd Geberden einem gemeinen unzüchtigen Weib ehlicher

H

ist/